

3 ARTIKEL 3: DIE GESKREWE WOORD VAN GOD

Belydenis	Teks	1933/53-vertaling	1983/91 vertaling
Ons bely dat hierdie Woord van God nie deur die wil van 'n mens gestuur of voortgebring is nie, maar die heilige mense van God het dit, deur die Heilige Gees gedrywe, gespreek, soos die heilige Petrus sê (2 Pet 1:21).	1 2 Petrus 1:21	want geen profesie is ooit deur die wil van 'n mens voortgebring nie, maar, deur die Heilige Gees gedrywe, het die heilige mense van God gespreek.	want geen profesie is ooit deur die wil van 'n mens voortgebring nie. Nee, deur die Heilige Gees meegevoer, het mense die woord wat van God kom, verkondig.
Daarna het God deur sy besondere sorg vir ons en ons saligheid sy knegte (profete en apostels) beveel om sy geopenbaarde Woord op skrif te stel	Eksodus 24:4	En Moses het al die woorde van die HERE opgeskrywe en die môre vroeg hom klaargemaak en onder die berg 'n altaar gebou, en twaalf gedenkstene volgens die twaalf stamme van Israel.	Toe het Moses al die gebooie van die Here neergeskryf. Vroeg die volgende oggend het hy aan die voet van die berg 'n altaar gebou van twaalf klippe, vir die twaalf stamme van Israel.
	Eksodus 34:27	Verder het die HERE vir Moses gesê: Skrywe vir jou hierdie woorde op, want volgens hierdie woorde het Ek 'n verbond gesluit met jou en met Israel.	Die Here het vir Moses gesê: "Teken al hierdie gebooie op, want hierop berus my verbond met jou en Israel."
	Psalms 102:19	Dit sal vir die volgende geslag opgeskrywe word, en die volk wat geskape gaan word, sal die HERE loof	Laat dit opgeteken word vir die geslag wat kom, sodat die nuut geskape volk die Here kan loof.
	2 Habakuk 2:2	Toe antwoord die HERE my en sê: Skryf die gesig op en graveer dit op tafels, sodat hulle dit in die verbygaan kan lees.	Die Here het toe vir my gesê: Skryf wat Ek aan jou gaan openbaar duidelik op kleitablette sodat mense dit sommer in die verbygaan kan lees.
	Openbaring 1:11	Ek is die Alfa en die Oméga, die eerste en die laaste, en skryf wat jy sien in 'n boek en stuur dit na die sewe gemeentes wat in Asië is: na Éfese en Smirna en Pérgamus en Thiatíre en Sardis en Filadelfía en Laodicéa.	"Skrywe wat jy sien in 'n boek op en stuur dit vir die sewe gemeentes: Efese, Smirna, Pergamum, Tiatira, Sardis, Filadelfia en Laodisea."
	Openbaring 1:19	Skryf die dinge op wat jy gesien het, die wat is, sowel as die wat gaan gebeur;	Skrywe nou op wat jy gesien het, wat nou daar is en wat hierna gaan gebeur.
en Hy self het met sy vinger die twee tafels van die wet geskrywe.	3 Eksodus 31:18	En Hy het aan Moses, toe Hy geëindig het om met hom te spreek op die berg Sinai, die twee tafels van die Getuënis gegee, tafels van klip, beskrywe met die vinger van God.	Nadat die Here op Sinaiberg met Moses gepraat het, het Hy die twee plat klippe met die getuënis daarop aan Moses gegee. Dit is die plat klippe waarop God met sy vinger geskryf het.

Daarom noem ons sulke geskifte die heilige en Goddelike Skrif.	4	2 Timoteus 3:16	Die hele Skrif is deur God ingegee en is nuttig tot lering, tot weerlegging, tot teregwysing, tot onderwysing in die geregtigheid	Die hele Skrif is deur God geïnspireer en het groot waarde om in die waarheid te onderrig, dwaling te bestry, verkeerdhede reg te stel en 'n regte lewenswyse te kweek,
--	---	-----------------	---	---